

Սահմանի միւս կողմը մեր եղբայրներին կոտորող և մեր իսկ գիւղերին յուսալքում ու մահ բերող հայկական հրոսախմբերին հետադնդելը հանդիսանում է օրինական պաշտպանութեան մի հանգամանք և մեր ազգի համար կենսական իրաւունք: Թիւրք ժողովուրդը ո՛չ մի յարձակողական նպատակներ չի սնուցանում ո՛չ հայ ժողովրդի, ո՛չ էլ որևէ այլ ժողովրդի նկատմամբ: Թափւած արեան պատասխանատուութիւնը ընկնում է միմիայն հայերի և նրանց իմպերիալիստ պաշտպանների վրա, որոնք հետադնդում են թիւրք ազգը քայքայելու նպատակներ»:

Դժուար չէր տեսնել, որ տւած բացատրութիւնները չէին համապատասխանում իրականութեան և որ թիւրքերի իսկական նպատակը Հայաստանի քայքայումն ու Սեւրի դաշնագրի ոչնչացումն էր: Թիւրքական յարձակողականը այդպէս էլ հասկացւեց ամենքի կողմից: Հայկական բոլոր շրջաններն անխտիր, ամէն տեղ, ցատումով ընդունեցին պատերազմի լուրը: Ընդհանուր վրդովումի և դիմադրութեան վճռական կամքի արտայայտութիւն եղաւ կառավարութեան կոչը ժողովրդին.

Հայաստանի Քաղաքացիներին,

Քաղաքացիներ՛, Հայաստանը նոր փորձութիւնների առաջ է կանգնած: Տաճիկ փաշաները չեն ուզում հանդիստ թողնել մեզ. նրանք ձգտում են քար ու քանդ անել մեր երկիրը, բնաջնջել հայ ժողովուրդը:

Սեպտեմբերի կէսերին կենտրոնանալով Մերգենեկի և Բարդուաի շրջաններում՝ տաճիկ զօրքերը յարձակման դիմեցին: Դաշտային աշխատանքների պատճառով մեր զինւորների մի մասը իրենց տները ցրւած լինելով՝ մեր զօրամասերը, յամառ կռից յետոյ, ստիպւած եղան նահանջել և գրաւել ռազմադիտական նոր գիծ, որով ածխահանքերի շրջանը անցաւ թշնամու ձեռքը:

Սեպտ. 28-ի դիւերը տաճիկները ուժեղ յարձակման դիմեցին Փենեակի և Բարդուաի ճակատներում: Մեր զօրամասերը սաստիկ դիմադրութիւն ցոյց տալով՝ ամրացան Վերիչէնի բարձունքների վրա: Նոյն սեպտ. 28-ին տաճիկական խոշոր ուժեր գրոհ տւին դէպի Կարաուրզան, որտեղից մեր զօրքերը քաշւեցին Սողանլուխ լեռնաշղթան: Յայտնի է դարձել, որ տաճիկների անմիջական նպատակն է կտրել Սարըղամիշ—Կարս երկաթուղին և ազատութիւնից զրկել Սարըղամիշի և Կաղզւանի զօրքերն ու ժողովուրդը: Անակնկալներից և զոհերից խուսափելու և աւելի յարմար դիրքեր գրաւելու նպատակով՝ մեր հրամանատարութիւնը սեպտ. 29-ի դիւերը դատարկել է Սարըղամիշն ու Կաղզւանը:

Ժողովուրդը նոյնպէս տեղափոխւել է անմիաս: Նահանջը եղել է ռազմադիտական նպատակներով, կանոնաւոր և առանց որևէ կորուստի: Մեր զօրքերի ողին բարձր է: Թշնամին հանդիպում է ամենաբուռն դիմադրութեան: Կարսի և Ալեքսանդրապոլի շրջաններում սկսւած է ուժեղ շարժում յօդուտ երկրի պաշտպանութեան: Ամէն կողմից հասնում են կամաւորներ և վերադառնում են դասալիքները: Դաշտային աշխատանքներով կլանւած ժողովուրդը ոտքի է կանգնում:

Քաղաքացիներ՛, տեղեկացնելով ձեզ այս մասին՝ Հանրապետութեան կառավարութիւնը յայտնում է, որ ինքը ձեռք է առնում ամէն միջոց՝ պետութեան անվտանգութիւնն ապահովելու համար և վստահ է, որ նենդ